

ԱՐՄԵՆ ԿԱՐԱՊԵՏՅԱՆ

Պատմական գիտությունների թեկնածու

ՄԿՐՏԻՉ ԽՐԻՄՅԱՆՆ ՈՒ ՄԿՐՏԻՉ ՓՈՐԹՈՒԳԱԼՅԱՆԸ ԱԶԳԱՅԻՆ ԶԱՐԹՈՆՔԻ ՀՈԳԵՎՈՐ ՀԱՅՐԵՐ

Վան-Վասպուրականում 19-րդ դարի երկրորդ կեսին իրենց ծավալած կրթական-լուսավորչական և քաղաքական վիթխարի, հուժկու գործունեությամբ առանձնանում են երկու այնպիսի հզոր կամֆի տեր անհատներ, ինչպիսիք են Մկրտիչ Ա Խրիմյանն ու Մկրտիչ Փորթուգալյանը: Նրանք իրենց գործունեությամբ պատրաստեցին ազգաշուկայի մաքառողների մի նոր սերունդ՝ էապես նպաստելով Վանում Արմենական կուսակցության կազմավորմանը: Խրիմյանն ու Փորթուգալյանը, զգալով ժամանակի թելադրականը, անձնագրի կերպով նետվեցին քաղաքական պայքարի մեջ՝ իրենց անձը նվիրաբերելով գաղափարախոսության շրջանում կրթություն և լուսավորություն տարածելու անչափ դժվարին ու վտանգներով հղի գործին, քանզի սուլթանական կառավարությունն այդ կարգի բոլոր ձեռնարկումները դիտում էր որպես թշնամական:

Նրանք քաղաքականում էին, որ ժողովուրդները մարտում և մարտնչում են ոչ միայն սրով, այլև գրչով: Եվ մինչև ֆիզիկական նակատամարտը, ժողովուրդները նակատամարտում են հոգևոր առումով, գրով և գրչով, դպրությամբ և մշակույթով: Մինչև իրենց կյանքի վերջին ակնթարթը Փորթուգալյանն ու Խրիմյանը հոգևոր տարածքի վրա մարտնչեցին հայ ժողովրդի ազատության և անկախության համար:

Խրիմյան Հայրիկը ծնունդով վանեցի էր, Վասպուրական աշխարհի հող ու ջրի զավակ: Նա ծնվել է 1820 թ. ապրիլի 4-ին, Վանի Հանկոյսների թաղում: Բնությունից ուժեղ և մեծահասակ զրեղ ու կարգավ սովորեց իր հորեղբոր՝ կառավարող վարպետ Խաչատուրի մոտ: Հետո ուսումնասիրեց պատանին անցավ ինքնակրթության ու ինքնամանաչման մեծ ճանապարհ:

1841 թ. Խրիմյանը հոգևոր ծառայության անցավ Կոտուց և Լիմ անապատներում¹:

Այնուհետև վերադառնալով Վան, իր ընկերների հետ ամիսներ շարունակ շրջագայեց հայրենի Վասպուրականի բոլոր գավառներում և գյուղերում, խորապես նախաձեռնեց հարազատ ժողովրդի վարժ ու քարքր, ընկալեց նրա ազատասիրեց ոգին: Խրիմյանը զգաց արևմտահայության ծանր, տառապալից վիճակի շուրջ շրջապատվածությունը և պատանի հասակից ուխտեց մարտնչել ստրկացված ազգի իրավունքների և ազատության համար:

Նրա բուռն ազգային-քաղաքական գործունեությունը սկսվեց 1850-ական թթ. կեսերից, սկսվեց բուռն, հուժկու և սրընթաց: Եվ գաղափարախոսության այն ժամանակվա նեղձուլիչ մթնոլորտում «Մի ծայն միայն հնչում էր քարծր ու խրոխտ, այդ վեհերոս, մեղկացուցիչ լուսնեան մեջ, հնչում էր մարդկային

¹ Հ. Մ. Պողոսյան, Վասպուրականի պատմությունից /1850-1900/, Ե., 1988 թ., էջ 102:

արժանապատուութեան լիակատար գիտակցութեամբ, առանց բնաւ սողալու, շոյելու, երկրպագելու, առանց բնաւ վարագուրելու Մեծ Համրի՝ ժողովրդի արինահաս վերքերը, հայկական արինանքը ու անթակաւ դժոխքը»²:

Իսկ այդ ժայը լսվում էր Վասպուրականից, Վարագա քարձունքներից, ուր «... քառիւ էր Աթոռիւ գուտեբերեցեան մեքեան շալակած... Խրիմեանն էր... հայութեան խիղըն, նրա իձղերի սգաւոր ու ցաւատանջ քարգմանը»³:

1855 թ. հունիսից մինչև 1858 թ. կեսերը Խրիմյանը Կոստանդնուպոլսում հրատարակեց «Աթոռի Վասպուրական» ամսագիրը, բայց շատ շուտով այն տեղափոխեց Վասպուրական, ուր Վարագա վանքում առաջին անգամ հիմնեց տպարանը:

Կ. Պոլսում Խրիմյանը Գում Գափուի Մայր եկեղեցում իր կարդացած քարագի ժամանակ համարձակաբայուն ունեցավ օսմանյան արժույթի վառողապետ Հովհաննես քեյ Տառյանին դիմելով ասել, թե «Ով արժույթի վառողապետ, բու ամբարած վառողեդ քիչ մըն ալ հայաստանցի հայերուն տուր, որ գործածենք մեր քշնամիներուն դեմ»⁴:

Վարագա վանքում Խրիմյանը հիմնեց նոր տիպի դպրոց՝ ժառանգավորաց վարժարանը, որի բացումը եղավ 1857 թ. մարտի 1-ին: Սակայն Վարագա վանքում Խրիմյանի բազմաբեղուն գործունեության թագն ու պսակը հանդիսացավ «Աթոռի Վասպուրական» հանդեսի հրատարակությունը, որը լույս է տեսել ութ տարի: Այն դարձավ հիմնավորը մշակույթ ունեցող Վասպուրականի առաջին տպագիր օրգանը:

Խրիմյանի հրատարակած հանդեսը պատմում էր ժողովրդի ծանր եռգսերի ու ցավերի մասին, ընթերցողին կապում հայրենական սրբությունների հետ, դատապարտում պանդխտությունը: Խրիմյանը խոսք էր բացում համահայկական բնույթի հիմնահարցերի շուրջ՝ ձգտելով այն դարձնել հայության ցավի, վշտի ու բողոքի քարգմանը, հուսադրելով երեսներում ծվարած հայոդդիներին, որ անցնելու են դժնի ու մահաշունչ օրերը և «... թե դարձյալ գարուն եկն ի Հայաստան և ի Վասպուրական երկիր»⁵: Հանդեսի էջերում իշխող ոգին ոչ թե լացունեան էր, մարմոնն ու վիշտը, այլ շեշտված անհանդարձողականությունը հայության սարկական վիճակի հանդեպ, բողոքի և ընդվզումի տրամադրությունների արժանությունը:

Նվ իրավ է, որ 18-րդ դարի 80-70-ական թթ. «Վասպուրականի արծիւ գուցէ միակ յեղափոխական իրողութիւնն էր հայկական հօրեգոններում, միակ օրգանը հայրենիքի մէջ, որ նրա անհամար փլատակները ձորալով հանդերձ, կոտի, ըմբոստացման երաւէր էր կարդում նոր սերունդին»⁶:

1869 թ. Կոստանդնուպոլսի Ազգային ժողովը Մ. Խրիմյանին ընտրեց Պատրիարք: Բայց Խրիմյան Պատրիարքը որքան սիրելի ու հարազատ էր հասարակ ժողովրդին, նույնքան անընդունելի՝ ազգի ցեղերին ու սուլթանական

² Միք. Վարդանան, Հայկական շարժման նախապատմութիւն, Ժնեւ, 1912 թ., 2. 1, էջ 282:

³ Նույն տեղում:

⁴ Հ. Անեմյան, Հայոց Հայրիկ, հատ. Ա, Քավրիզ, 1929 թ., էջ 214:

⁵ «Աթոռի Վասպուրական», 1858 թ., թիվ 1, էջ Բ:

⁶ Միք. Վարդանան, Նշվ. աշխ., էջ 282-293:

պաշտոնյաներին: Այդ էր պատճառը, որ, նրա դեմ սկսեցին կազմակերպված գրպարտանք ու հալածանք սահդրել: Խրիմյանը թուրքական կառավարության առջև որոշակիորեն դրեց զավառահայության աճողների վիճակը ընդհանուր և կատարվող բռնությունները զսպելու հիմնահարցը: Սակայն դավադրությունները հետզհետե սաստկացան, և այլևս չտանելով գորշ ու մռայլ մթնոլորտը, Մկրտիչ Խրիմյանը ստիպված էր 1873 թ. հոկտեմբերին բողոքել ազդեցիկ պաշտոնի և արտասանել «Խոսք հրաժարման» հայտնի ճառը: «Պիտի դառնամ հայրենիքս... վասնզի փորձառութեամբ հասկացայ, որ այս աշխարհին մէջ մարդ մեծ պաշտօնի գլուխ անցնելով կարող չէ այնպէս մեծագործել, ինչպէս իւր և ազգին փափագն է»⁷, դառնութեամբ ասել է նա:

Վաճու՛մ Խրիմյանի գործունեության երկրորդ արգասավոր շրջանը սկսվեց 1879 թվականից, երբ «... Վանի առաջին սահմանադրական առաջնորդ ընտրվեց 49 երեսփոխանների բվեռով»⁸; 1877-78 թթ. ռուս-թուրքական պատերազմից հետո Վաճու՛մ սով էր սկսվել, և Խրիմյանը նշանակվեց Սովետից հանձնաժողովի նախագահ: Երկու տարվա ընթացքում Խրիմյանը վիթխարի ազգաշեն գործ կատարեց՝ սովի ճիւղաններին փրկելով հազարավոր հայերի կյանքը: Սովի վտանգները լրիվ ու լիովին հաղթահարելու և հայ գյուղացուն հողամշակութային առաջավոր մեթոդներին ծանոթացնելու նպատակով նա Վարազա վանքում բացեց երկրագործական վարժարան՝ 1880 թ. նոյեմբերի 1-ին:

Խրիմյանը Վանի հողագործական պրակտիկայում փորձեց արմատավորել նոր տեխնիկա՝ «... Եւրոպայէն բերել տուաւ հերկելու, ցանելու, հնձելու և կախելու գործիքներ, որոնցմէ ուրիշ ագարակատէրեր ալ բերել պիտի տային հետզհետէ»⁹:

Իր քաղմարեզուն գործունեության ողջ ընթացքում Խրիմյանը հասարակ ու պարզ կենցաղով, մտաչելի ու մարդամոտ բնավորությամբ ձեռք բերեց Վասպուրականի հայության ջերմ սերն ու անվերապահ պաշտամունքը իր անձի նկատմամբ: Փառքը նրան պետք չէր, և նա բնավ չէր գնում փառքի ու փառասիրության հետևից, այլ ամենուրեք, ամեն ֆայլափոխի լսվող «Հայրի՛կ», «Հայրի՛կ» ջերմաշունչ բացականչություններն էին Խրիմյան մարդուն և ազգային գործչին հիշեցնում, որ ինքը անավասիկ դարձել է ողջ հայության հոգևոր առաջնորդը և ազգի պայծառ հույսերի մարմնավորողը:

Վասպուրականում Մկրտիչ Խրիմյանի ծավալած վիթխարի գործունեությունը մեկ բառով բնորոշվում է որպես Սխրա՛նք: Այո՛, սխրա՛նք՝ հաճուն ազգի ազատության ու զրօտուման, հայրենի ժողովրդի լուսավոր իղձերի կատարման:

Եվ հազիվ թե կարելի է համաձայնվել այն կարծիքին, թե Խրիմյանը «...Բերևս ինքն ալ չէր գիտակցէր յեղափոխութեան այն ելևէջներուն, որոնք տեղի ունեցան իրեն սիրելի Վասպուրականի մէջ և կապուեցան իր անունին»¹⁰:

Խրիմյանը գիտեր իր հայաշունչ-ազգագուտ գործունեության շուժն ու նշանակությունը, քաջ գիտակցում էր, որ ինքը ցանում է հավաքական ազգային

⁷ Խրիմյան Հայրիկ, երկեր, Ե., 1982 թ., էջ 7:

⁸ Համո. Երամեան, Յուշարձան Վան-Վասպուրականի, Ալեքսանդրիա, 1929 թ., հատ. Ա, էջ 116:

⁹ Նույն տեղում, էջ 176:

¹⁰ Ռուբեն. Հայ յեղափոխականի մը յիշատակները, էջ 79:

փոթորիկի սերմերը: Բայց անառակելիորեն ճշմարիտ է, որ «...Խրիմեանը պիտի համարել ազգային գիտակցութեան տարածման նախահայր, իսկ Մ. Փոթթուզալեանը՝ յեղափոխական կուսակցութեանց հայրը»¹¹:

Իճէճ իրենով մարմնավորելով Վասպուրականի և համայն հայության լուսավոր երազներն ու իդճերը, բովանդակ կյանքում մաքառելով համագգային նպատակների իրագործման համար, Խրիմյանը պարզ հոգևորականից վերանց ազգային հերոսի: Իրավ ճշմարիտ է, որ «...Հայրիկ պատուանունը իւրաքանչիւր ազգի մէջ վիճակում է միայն մէկին»¹²: Թուրքական կառավարության համար այլևս անընդունելի էր դարձել Խրիմյանի հետագա գործունեությունը Վանում, քանզի նրա ներկայությունն իսկ խոտվում էր հասարակական թվացյալ անդորրը և գրգռում թուրքական պաշտոնյաների մոլեգին ատելությունը: Այդ պայթյունավտանգ գործոնը չհաջաֆցնելու համար նոր կուսակալ Հասան Փաշայի կարգադրությամբ 1885 թ. ապրիլին Խրիմյան Հայրիկը ահարկում է Վանից:

Վանում միայնակ չէր գործում Խրիմյանը: Նրա ազատասիրական գործն ու գաղափարները լրացրեց, շարունակեց ու նոր մի բարձրության հասցրեց ազգային շարժման ռաեվիրա Մկրտիչ Փոթթուզալեանը, որը «Սովորական դեմք մը չէ, որ երեսցաւ հայ յեղափոխական հորիզոնի վրայ»¹³:

Մ. Փոթթուզալեանը Խրիմյանի հետ ասպարեզ իջավ, երբ մութ, խավար ու դժնդակ օրեր էին Հայոց աշխարհում: Եվ բռնություններից առավել սոսկալին «...տգիտութիւնը սև թուխս էր նստած հայութեան հոգու վրայ: Լալսի ոչ մէկ շիւղ, ոչ մէկ ուղեցոյց: Այդ օրերուն ասպարեզ իջաւ ան, երկաթէ մարդը»¹⁴:

Մ. Փոթթուզալեանը ծնվել է հոկտեմբերի 9-ին, Կ. Պոլսում: Հայրը՝ Ռաֆայիլ Սողոմոնյանը, սեղանավոր էր, որպես ուսումնասիր անձնավորությունը հարգված համայնքի կազմից, ուներ քավականին մեծ գրադարան, որից պիտի օգտվեր որդին:

Փոքրիկ Մկրտիչը հաճախում է Գում-Գափուի Մայր-Վարժարան՝ ժամանակի լավագույն ուսումնարաններից մեկը, որտեղ դասավանդում էին տեղի առաջադեմ ուսուցիչներից շատերը: Արդեն աշակերտական օրերից Մ. Փոթթուզալեանը ապրում է ազգային եղելությունների անդրադարձներով: Դա այն շրջանն էր, երբ հայ ազգային գործիչները խանդավառվել էին ֆրանսիական բուրժուական հեղափոխության ազատասիրական գաղափարներով, հայոց ազգային կյանքի մաքրագործման իդեալներով: Բուռն պայքար էր ծավալվել ազգային սահմանադրության ընդունման համար:

1881 թ. Սահմանադրական Մարմինը իր նիստերն էր շարունակում Մայր-Վարժարանի մեջ: Մկրտիչը հուզումով և գաղտագողի հետևում էր այդ ժողովների ընթացքին: Ավարտական վերջին տարում /1882 թ./ Փոթթուզալեանը թողնում է վարժարանը և անցնում Սամաթիայի Ս. Սահակյանը: 1883 թ., երբ Բ. Դուռը վավերացրեց Ազգային Սահմանադրությունը, Փոթթուզալեանը,

11 Նույն տեղում, էջ 80:

12 «Ազատամարտ», թիվ 14, 1983 թ.:

13 Տե՛ս «Բաւաստուն տարուան աշխատանքը», Կ. Պոլս, 1814 թ., էջ 30:

14 Նույն տեղում, էջ 40:

ավարտելով վերոնշյալ վարժարանը, աշխատում է որպես գրավանառ-
թղթավանառ, ապա հիմնում սեփական գրատուն-թղթավանառանց:

1867 թվականից Փորթուգալյանը նվիրվում է ուսուցչական ասպարեզին:
Այնուհետև չազմելով հրատարակչական ընկերություն, գրադվում է գեղար-
վեստական գրականության թարգմանությամբ:

1863 թվականից մինչև 1869 թվականը նախապատրաստական շրջան հանդի-
սացան Փորթուգալյանի՝ մեծ հայրենասերի ազգային հզոր, փոքրերկոտ գործու-
նեության ծավալման համար: Մեծանուն ազգասերը պիտի ուզեցար հայրենի
երկիրը ճանաչել ավելի մոտիկից և գործել գավառահայության շրջանում: Եվ
առիթը շատ չուշացավ: 1869 թ. հուլիսին Մ. Փորթուգալյանը մեկնում է
Եվդոկիա՝ իր պաշտոնատեղին: Նա այդ ժամանակ ընդամենը 21 տարեկան էր:
Վառ հույսերով ու երազներով խանդավառ պատանին մեկնում է գավառ-
թողնելով մայրաքաղաքային փափուկ կյանքը՝ իր ժողովրդին ծառայելու
անշահախնդիր առաքելությամբ:

Եվդոկիայում Փորթուգալյանին հաջողվում է մի քանի համախոհներով կազ-
մակերպել Պոլսի «Անճնուէր» ընկերության տեղական մասնաճյուղը¹⁵: Ակսվում
են կիրակցօրյա դասախոսություններն ու բանավեճերը: 1869 թ. պատրիարքական
գանին բազմած Խրիմյան Հայրիկը օրհնություն և ֆաջալերական կոնդակ է հղում
Եվդոկիայի «Անճնուէր»-ին՝ հանճարարելով տեղի Առաջնորդ Հակոբ
վարդապետ ձգնավորյանին՝ անձամբ ֆաջալերել ընկերության անդամներին:

Մ. Փորթուգալյանի կյանքում բախտորոշ նշանակություն է ունենում
ծանոթությունը և համագործակցությունը «Մշակի» մեծահռչակ խմբագիր
Գրիգոր Արծրունու հետ:

Արծրունին խորապես հետաքրքրվում է Փորթուգալյանով և նրան հրավիրում
Թիֆլիս, ուր համատեղ մշակում են «Արարատեան» ընկերության ծրագիրը¹⁶,
որով ավելի սերտ է դառնում արևելահայ և արևմտահայ ազգային գործիչների
գործակցությունը:

«Արարատեան» ընկերությունը, որը հիմնվել է 1876 թ. ապրիլին, Օրթագյուղի
մեջ Ա. Արփիարյանի, Զ. Շիշմանյանի և այլ գործիչների ջանքերով, ընդհանուր
ժողովում ընդունում է Փորթուգալյանի բերած առաջարկները և վերջինիս
ընտրում իր առեմնադես¹⁷: Գործունեության կենտրոն է որոշվում Վանը:
Գավառում գործելն այն ժամանակ մեծ խիզախություն էր: Բայց Փորթուգալյանը
ստանճնում է այդ վսեմ առաքելությունը: 1876 թ. նա մեկնում է Վան՝ ճանա-
պարհին այցելելով Սամսոն, Եվդոկիա, Սեբաստիա, Խարդերզ և Տիգրանակերտ:
Ըստ որոշ տեղեկությունների, Վանից ոչ հեռու, Ալյուր գյուղում, 1876 թ.
նոյեմբերի 1-ին հիմնում է վարժարան, միաժամանակ ամեն կիրակի բանախոսում
ֆաղափ Հայկազյան վարժարանում:

Մեծ հայրենասերը մանրամասնորեն ուսումնասիրում է հայրենի եզերքը, կազ-
մում Վան նահանգի բնակչության սոցիալ-տնտեսական վիճակի մասին տեղե-

¹⁵ Տե՛ս Կ. Սարոգճեան, Ակնարկ մը Արմենական կուսակցութեան պատմութեան վրա,
Թեյրուք, 1960 թ., էջ Ե:

¹⁶ Տե՛ս Լեո, երկ. ժող., 2 հատ., Ե., 1987 թ., էջ 592:

¹⁷ Նույն տեղում, էջ 242-243:

կամք, հետագոտում գյուղերի տնտեսական, առողջապահական, նախապարհա-
արանապորտային վիճակը: Թուրքական լրտեսների աչից չվրիպեց Փորթուգալյա-
նի բուռն ազգագույն գործունեությունը, և շուտով սկսվեցին հալածանքները:

1877-78 թթ. ռուս-թուրքական պատերազմի ժամանակ Փորթուգալյանն
անցնում է Թիֆլիս, ուր համագործակցում է Գր. Արծրունու հետ: 1878 թ. նա
կրկին վերադառնում է Վան, ուր բացում է իր հոշակավոր Վարժապետանոցը՝
ռուսամեական չորս տարվա ծրագրով:

1881 թ. Փորթուգալյանը ետ է կանչվում Պոլիս, հանդիպում Պատրիարքի հետ,
հերքում իր դեմ եղած մեղադրանքները և կրկին վերադառնում Վան: Այս անգամ
առանց «Միացյալ ընկերության» աջակցության, նա իր սեփական միջոցներով,
որոշ չափով նաև Խրիմյան Հայրիկի աջակցությամբ, հիմնադրում է Կենտրո-
նական վարժարանը, որը գոյատևում է մինչև 1885 թվականը: Փորթուգալյանի
«Կենդրոնական»-ը հայ դպրության եինավուրց փառքին նոր հավելում տվեց և
Վանի ազատամիտ երիտասարդության համար եղավ հայրենասիրական ոգով
թրծվելու դարբնոց:

1881-1885 թվականները եղան Փորթուգալյանի գործունեության ամենաբեղուն
ու նաև շիկացած տարիները:

Նա Խրիմյանի հետ միասին հասցրեց շատ բան անել, հրր Վասպուրական
աշխարհը չէր պարզվել իր զավակներից և դեռևս համիդյան «...հայակեր
ֆաղաֆակությունը չէր հասած իր կարմիր կատաղութեան»¹⁸:

Մ. Փորթուգալյանի «Կենդրոնական»-ում ազգային ցավի և արժանապատվու-
թյան ոգով հոգևոր սնունդ ստացան, անեցին ու դաստիարակվեցին բազմաթիվ
ազատասունչ երիտասարդներ, ազգային հեղափոխականների մի ողջ համասու-
ղություն, որոնցից շատերը դարձան Արմենական կուսակցության հիմնադիրներն
ու համակիրները:

Իվ իրավ է, որ Վասպուրականի ազգային ու կրթական վերածնության այդ
փուլում «...Խրիմեան-Փորթուգալեան-Կամսարական կազմեցին հրրորդութիւն
մը, որուն շուրջ սկսաւ խմբուիլ թէ պատրաստ երիտասարդութիւնը, եւ թէ
Փորթուգալեանի շունչի տակ մեծցող դպրոցական նոր սերունդը»¹⁹:

Վանի մտավոր զարթոնքը մեծապես պայմանավորված էր Փորթուգալյանի և
Խրիմյանի անձնությամբ ու խանդավառ գործունեությամբ:

Խրիմյանի և Փորթուգալյանի Վանից հեռանալու պահին արդեն իսկ կար
նորանաս սերունդ, որը հայրենասիրական իդեալներով տոգորված, ազատագրա-
կան գիտակցությամբ լեցուն, գաղտնի, բայց «...վճռական աշխատանքի լծուած էր
կազմակերպելու, զինելու ժողովրդային խանր եւ պատրաստելու զայն ազգային
իրավունքներու հետապնդումին ու մարդկայնօրէն ապրելու պահանջա-
տիրութեան»²⁰:

¹⁸ «Քառասուն տարուան աշխատանքը», էջ 40:

¹⁹ Մ. Նաթանեան, Արմենական կուսակցութիւնը, Գաեիրէ, 1990 թ., էջ 2:

²⁰ Հայկ. Ուզունեան, Առեւտրական Ազատագրական պայքարին ծագումը Արմենական
կուսակցութեան մէջ և Ռամկավար Ազատական կուսակցութիւնը իր 80-ամեակին,
Լոս Անճելըս, 1988 թ., էջ 20:

Թուրքական կառավարության համար այլևս անհանդուրժելի էր Փորթուգալացի և Խրիմյանի ներկայությունը Վանում, և շուտով Բ. Դուան կարգադրությամբ «Կեդրոնականը» փակվեց: Այն ծանր կորուստ էր Վանի հայության համար, քանի որ այն ժամանակակիցների կողմից համարվում էր Վանում բացված հայկական առաջին բարձրագույն վարժարանը, որը հայ երիտասարդ մտավորական դասի մեջ ծնեց ու զարգացրեց ինքնապաշտպանության և հայրենիքի ազատության ոգին ու գաղափարը:

Այսպիսով, ազգային մեծ գործիչներ Մկրտիչ Փորթուգալացուն ու Մկրտիչ Խրիմյանը կնքահայրը հանդիսացան Վասպուրականի առաջին հեղափոխական մարտական սերնդի, որն արդեն յուրացրել էր «Առանց զենքի չկա հայոց փրկություն» կարգախոսը: Փորթուգալացի և Խրիմյան Հայրիկի ազատատենչ, ազգային ոգեղեն շնչի ներքո ձևավորված հենց այդ երիտասարդությանն էր վիճակված սկսելու կազմակերպված քաղաքական շարժումը՝ հիմք դնելով առաջին հայ քաղաքական կուսակցության կազմավորմանը:

Հենց այդ երիտասարդներից շատերը, ինչպես արմենականների խիզախ առաջնորդ Մկրտիչ Ավետիսյանը, շուտով իրենց կյանքի գնով ևս մեկ անգամ ապացուցեցին «Մահ իմացեալ» պատգամի հարատևող կենսունակությունը՝ խիզախության ու անառնելի խորհրդանշի դառնալով հետագա սերունդների համար:

Վանից Խրիմյան Հայրիկի ու Մկրտիչ Փորթուգալացիի ախարումը և վանեցիների կողմից նրանց հրաժեշտի արարողությունը վերածվեցին քաղաքական և ժողովրդային շերմեռանդ ցույցի: Ժողովրդական խանդավառ ալիքի ուղեկցության ներքո Խրիմյանը Տաքսիի ճամպարեով, իսկ Փորթուգալացին՝ Էրզրումի ուղղությամբ բռնեցին իրենց այնքան հարազատ ու սիրելի վանը²¹: Երկու մեծ հայրենասերների գործունեությունը քարժը է գնահատվել հայ ազգային-քաղաքական, մշակութային գործիչների, ինչպես նաև հետագա սերունդների կողմից:

Այսպիսով, հայ ազատագրական շարժման մեծ ռեպրեզենտանտներ՝ Մ. Փորթուգալացի և Խրիմյան Հայրիկի հասարակական-քաղաքական քառն, հզոր ու արդյունավետ գործունեությունը Վանում ստեղծեց ազգային զարթոնքի այն քարենպաստ մթնոլորտը, որը ծնունդ տվեց մի ամբողջ շարք հայրենամեկնող գործիչների դաստիարակմանը և Արմենական կուսակցության կազմավորմանը:

²¹ Մ. Դաթնեան, Եզվ. աշխ., էջ 4: